

萬 有 文 庫

第二集七百種

王 雲 五 主 編

敬 業 堂 詩 集

附 續 集

(七)

查 慎 行 撰

商 務 印 書 館 發 行

敬業堂詩集

附續集

(七)

查慎行撰

國學基本叢書

王雲五主編
萬有文庫
第二集
第七百種
敬業堂詩集
附續集
第七冊

中華民國二十六年三月初版

殿

撰者 查慎行

發行人 上海河南路雲五

印刷所 上海河南路商務印書館

發行所 上海及各埠商務印書館

敬業堂詩續集目錄

第一卷

漫與集上 古今體詩一百十六首

第二卷

漫與集下 古今體詩一百二十首

第三卷

餘生集上 古今體詩二百四首

第四卷

餘生集下 古今體詩一百三十首

第五卷

詣獄集 古今體詩七十四首

第六卷

生還集 古今體詩七十七首

住劫集 古今體詩五首

敬業堂詩集卷四十九

餘波詞上

余少不喜填詞。丁巳秋，朱竹垞表兄寄示江湖載酒集，偶效瞶焉。已而偕從兄韜荒楚遊，舟中多暇，徧閱唐宋諸家集，始知詞出於詩，要歸於雅，遂稍稍究心。自己未迄癸亥五年中，得長短句凡百四十餘闋。甲子夏，攜至京師，就正於竹垞，留案頭，許加評定，旋失原藁。已四十年矣。曩刻拙集時，頗以爲闕事。雍正癸卯正月，忽從沈子房仲楚望椒園兄弟獲此抄本，故物復歸，殊出望外。昔人有悲墜履哭亡簪者，茲集之失而復得，視敝履簪，不又多乎哉！因取前後所作編次爲二，通用少陵詩語。題曰餘波集。仁和趙子意田爲補刊于詩後。初白翁手識。時年七十有四。

沁園春 寄徐初
隣金陵

鐵鎖消沉，江勢東來，直下金焦。想笛簫婆官，淒清舊步；鼓迎龍戶，寂莫迴潮。啼殺棲鴉，滴殘晝漏，昨夢回頭覆鹿蕉。無多恨，最傷心兩字，怕說南朝。水亭閒望勞勞，但春去、春來急景銷。嘆廢寢堦垣，棠花漠漠，故家門第，燕祗飄飄。欲別誰留，欲歌誰和，細馬馱過皂莢橋。無人管，捋酒邊歸路，風墮鞭鞘。

金縷曲

送盛鶴
江入都

酒罷昏星沒。正春江、揚舲捩柁。曉程催卽。十載誇張才人事。香傳茶經俱輯。詩草又、新來成集。湖海名流徵欲起。賸唸窗、席冷無人奪。眉子研、且勤滌。京華不少閒遊客。料紛紛、彈冠結轡。乘車戴笠。同學行藏都在眼。幾箇文章得力。悵生事、逡巡五十。誰信蘆溝橋上路。有布衣、障扇騎驢入。定那處、相逢揖。

滿庭芳

爲叔母葛夫人五十壽

耳厭笙歌。庭無鶴鹿。等閒甲子空徂。象牙齒冷。白髮蚤隨梳。三十年來舊事。傷心絕、人世全無。多付與、前塵小劫。彈指過須臾。如今剛半百。長明燈下。勤禮文殊。幸添香。掃榻未要人扶。猶有高堂健在。依棲處。仍作兒呼。春風過。綠楊門巷。兩兩聽慈烏。

金縷曲

過家黃門伯如園

明月湖誰賜。羨歸來、平分五畝。就隣買地。洛社池亭平泉石。也要乘閒先置。問某水、某丘曾記。里巷不教車騎入。便近城、大得山林意。都寫向、畫圖裏。小船撐過花邊市。甚當年、清絲豪竹。近來多廢。野鶴汀鷗閒門外。抵得署書幾字。关行馬、郎君官貴。故客尙尋東閣去。愴霜天、白菊階墀閉。爭得似、陪公醉。

風流子

喜韜荒兄楚歸

村莊如畫裏。維舟了、微雨豆花秋。看楚俗攜來。人情妝粧。吳霜未老。鴈膳蘧蔬。音求茅齋下、瓦盆隨分設。烟火隔廚幽。有兔褐茶香。侍兒纖手。鵝黃酒熟。奴子平頭。我歌兄接拍。行樂處、何似竹脰絲柔。才隔巷。

南巷北。別樣風流。問瑞草橋邊。誰貽紅帶。富春江上。自有羊裘。一任酒徒星散。去覓封侯。

雙雙燕寄聲山姪

過荷風了。向羽扇蕉衫。小年偏永。青帘換苧。轉首涼秋髻影。舊事有誰尋省。酒分與。詩緣俱冷。可因幸舍供魚。忘却鱸邊歸興。引領。山田一頃。有被阪文瓜。交膾香穎。平生期許。不是不堪馳騁。且學蓬茅臥穩。算此處。原非捷徑。甚時撥櫂重過。話向竹窗烟暝。

金菊對芙蓉西水吳氏故居

鳥啄風箏。蛇盤鬪棋。高下一帶樓臺。自綺羅叢散。瓊扇常開。晴攀翠竹題名滑。有幾個。過客多才。大都憐取。狂春柳絮。倦畫桃腮。北園南埭東齋。看花磚經雨。場盡莓苔。時有隣娃貰酒。換得遺釵。眼前便是西泠路。春波外。行意徘徊。去年崔護。此門此日。生怕重來。

沁園春淮郡主故苑

戚里繁華。貴主山莊。駙馬山亭。有記曲紅紅。歌珠串串。隔帷黑黑。絃索泠泠。曉宴催粧。夜遊傳蠟。長使行人駐足聽。滄桑後。問楊家田氏。幾主曾更。銅環不鎖嚴扃。漸拆盡。春山屈戌屏。但斷浦蜻蜓。飛來衣桁。空庭蝙蝠。掠過窗櫺。樹色濃枯。花陰疎密。幾處蒼蒼夕照青。休回首。料華林平樂。一概凋零。

前調薔薇

濃暖送寒。小雨捎晴。紅雲一欄。漸竹架欹來。柔陰嬾嬾。枳籬缺處。狂蔓看看。高似窺隣。低還拂地。幾度牽人宛轉間。斜陽外。映淺深向背。巧逗朱顏。不禁刺弱枝繁。算欲折。還休好是難。便撲蝶花前。微揎羅袖。踏青階下。先護雲鬢。戀醉多情。與春無分。長是開時芳信闌。餘香好。把膽餅貯露。黃額輕彈。

前調

送友人遊洞庭山

藥裏一囊釣綸一竿。清遊在茲。嘆越國浮家。今無高士。吳歌倚棹。誰譜新詞。壓擔書輕。扶頭酒重。過盡松陵。知不知。垂虹畔。問楊郎鐵笛。可有人吹。粘天萬頃玻璃。只芥羽。中流點破之。正石尤風定。烟棲花隴。熟梅雨足。水到茶陂。朱橘論錢。黃柑佐釀。好在秋光指後期。歸颿便。乞玲瓏片石。與致茅茨。

滿庭芳

陳簡齋先生新葺閒園隨黎洲黃夫子過訪留贈

結構初完。規模漸拓。春田又看成蹊。夜來好雨。洗盡種花泥。宛似元家上澗。鳴鳩外。麥浪吹畦。橋南北。傍籬壘石。緩步得攀躋。渾迷回櫂路。烟添柳濤。雲暖茶溪。正客來問字。主愛留題。任是游人小住。憑闌候。風信難齊。重過好。東園步履。書籍記曾攜。

瑞鶴仙

秋柳

風情牽暫住。乍鷺老秋絲。一年好處。依稀想前度。爲憐伊腰瘦。不成遙妬。河橋古渡。冷蕭蕭。馬嘶人去。傍離亭。挽盡長條。夢繞江南舊路。無數。涼蟬抱葉。雨燕辭梢。昏雅匝樹。時光流較。但暗裏。驚衰暮。被西風

吹得江潭搖落。不道樹猶如許。記濃陰、隔浦移舟。濛濛暖絮。

臺城路

秋聲

商飈瑟瑟涼生候。孤燈影搖窗戶。堤柳行疎。井梧葉盡。添灑芭蕉片雨。纔聽又住。正澹月朦朧。微雲來去。蔌蔌空廊。有人還傍繡簾語。多因枕上無寐。攪二十五更殘點頻誤。響玉池邊。穿鍼樓畔。一派難分竹樹。零礎斷杵。更空外飛來。攪成淒楚。別樣關心。天涯驚倦旅。

金縷曲

送陳六謙
謁選北上

身世看如此。笑忽忽、纔停歸櫂。旋催行李。一領青衫氈樣重。塵土不堪重洗。況此去、復三千里。舊社雞豚期且近。數同遊、何可無吾子。想別後、當然爾。故人誰續藍田記。便時時、哦詩松下。何妨公事。雙耳未聾丞不負。正好聽歌博醉。若行止、余皆無地。兩角耕牛容易辦。怕家人、催促東山鼻。終擬索、長安米。

沁園春

友人邀余賦閨中
雜事分得三題枕

刀尺親裁。裹束初成。吳綾蜀羅。想芙蓉新樣。粉嫌輕污。醺醺餘馥。氣愛輕呵。壓袖曾經墮釵。知否。未許輕移到錦窠。勾留處。較佳人雪腕。方便誰多。合歡光景些那。更不奈、春來獨自何。看碧流難浣。並頭留影。餘溫猶印。半面成窩。熊取宜男。豹堪辟魅。不比銷魂寂寂過。相思恨、是爲君留下。長託微波。孟襄陽詩。漸看春偏芙蓉枕。楊誠齋詩。醺醺爲枕。睡爲鄉。李義山詩。冰紋簾上。琥珀枕。旁有墜釵。金鳳翹。唐書五行志。章后妹爲豹頭枕。以辟邪。伏熊枕。以宜男。李太白詩。爲君留下相思枕。託微波。借用宓妃留枕事。

前調被

計幅裁量^平。寬窄隨宜。溫柔幾重。自金針縫罷。絲連錦段。瓊烟蒸透。香護筠籠。泥我朝朝。伴他昔昔。軟愛裝綿。煖愛烘。玲瓏裏。問凝脂團雪。可怕消融。覆來青翰舟中。便慙繡。羞珠兩不同。有侍兒帖妥。曾鋪曾疊。添衣斟酌。經雨經風。欲起還遲。背人覓得。一角偷藏鳳味紅。尋思久。柰略回身處。好夢無蹤。劉孝威謝賚錦被啓

鄂君慙繡。楚侍羞珠。李義山詩。青翰舟中有鄂君。

前調席

脉脉盈盈。軟勝桃枝。密于白藤。甚燕山飛下。詩才比雪。楚江攜到。夏簟分冰。薄取輕安。滑防新浴。傍枕依衾。夜夜曾。憑繾藉。喜稱身熨貼。擁背親承。小憐玉體橫陳。料此外。嬌憨着意憎。問角展蘇薰。爲誰鋪襯。汗沾椰葉。幾度消凝。飛燕能輕。玉環能重。肥瘦虧他。一一勝。拋人處。只蕉心半卷。不在多層。尚書疏篲席。桃竹枝席也。

白樂天詩。六尺白藤床。李太白詩。燕山雪花大于席。杜少陵詩。恩分夏簟冰。蘇薰席。見唐書地理志。椰葉席。見西京雜記。

惜紅衣金魚

瑤簪盛苗。銀床轉水。十分愛養。日日來看。問甚時纔長。紅鱗欲透。漸小隊。尾株分樣。兩兩。淨綠涵空。足庭階清賞。美人閒想。竹葉爲船。吹風戲來往。鏡光忽皺。牽動簷蛛網。恰是一羣驚避。沒處幾痕圓浪。待穀紋旋細。又喚絲萍葉上。

海天闊處蟹

滿庭草色猶青，不知熠燿從何至。幽光明滅，隨風難定。乍飛還止。兩兩三三，離離合合。池邊林際。自隋宮散後，便成廢苑，再不見繁華地。巧向輕羅扇底，逐佳人，映將綃綺。夜窗歸晚，紗燈滿貯。帳紋如水。月落香沉，流輝耿耿。一床秋思，好伴他簾外，疎星幾點，照儂無寐。

翠樓吟蟬

密柳河橋，疎桐院落，陰陰幾處同起。身輕容易托，也還戀故園清底。蕭然高寄。奈未穩吟情，何來蟬臂。驚飛候。乍移別樹，殘聲猶曳。多事。慣攪閒眠，聽雨晴昏曉，更番到耳。日斜樓角外，草草又催將秋意。風襟露思，訴不了清空，涼暄略記。且休把，冠綏髣髴，依稀擬似。

眉嫵新月

乍殘陽西斂，一鉤心字，蚤已挂林杪。影薄銀河澹。沉波處，水門未收晚釣。窺窗正好。被牆陰、強半遮了。素娥寡，不待及時鐘，斟酌畫眉蚤。一任淺顰相效。比五更東畔，別弄纖巧。肯落佳期後。團圓意，向前屈指應到。黃昏悄悄。可有人、下堦私構。問裙帶吹風，消受拜兒多少。

多麗咏水面水芙蓉花

算秋容，佳處偏宜映帶。恍移在、滕家圖上，涉江正好采采。憶宿粧、水殿醒時，是徐孺、老去姿態。粉鏡初收。

銀蟾欲瀉。池光冷暗。銷螺黛。誰憐取。浮紅漂白。長逐鴛鴦隊。湘君遠。未應遺却。雲裳霜珮。渾不管。寧芳舊侶。經營一笑難再。倚西風。自傷遲暮。木末含情。更何待。脉脉遙望。依依莫戀。憑渠流向煙波外。便從此。東西飄泊。打併團圓在。差勝似。落瓣船頭。花花相背。

綺羅香 燈

翠淺疑流。黃嬌欲滴。屢報新霜番次。顆顆低垂。葉底微窺密刺。記小庭。細雨初移。是籬落。年時秋尾。似蓬萊。金醴嫌酸。清泉簌簌已流齒。憑闌幾遍細數。自攀條摘後。枝頭剩幾。佳客重來。取給猶煩一二。擣金蠶。風味攢眉。散綠霧。清香繞指。乞人前。橋樣偷藏。團圓懷袖裏。杜少陵詩。細雨欲移燈。陸魯望詩。自注蓬萊。公以金醴四升待主簿。主簿嫌其味酸。

白苧 有餘。填此寄之。一年

小春前。重九後。風光如此。渾無聊賴。獨客坐傷往事。恁匆匆。綠醪銀榼歡呼地。只隔一重城。似隔了千山千水。向來酒伴。零落而今餘幾。問眼中有誰跌宕如吾子。猶記。紅牙按曲。素手捱箏。醺船波蕩。同過娉婷小市。便許我重來。怕添顚顚。歌筵側畔。好先安筆研。待題詩尾。却蚤暗風。催轉庭梅。一梢偷試。屈指前期。漸及燒燈矣。娉婷市。五代時鍾傳侍兒所居。

臺城路 寄題初隣水亭

兩湖千頃菱花白。卷簾漲痕微退。蓼岸烟輕。蘆村霧重。相望渾如天外。雲山一帶。算城北城南。故人都在。釣具詩筒。鷗邊穩棹並誰載。三間料合閒閉。向東西南北。生事頻悔。歸橐長枵。遊蹤漸近。此段妻兒應怪。前期不礙。有蕓擔挑鱸。緯蕭攔蟹。秋雨濛濛。重來聽欸乃。

惜餘春慢

王桐村新葺小軒索題句

堂筍猶存。檐牙未落。佳處略煩結構。移將雞柵。掃却蟲窠。頓覺規模非舊。花外清陰又添。竹補三竿。弓開一肘。喜南榮北檻。絕無塵到。坐消閒晝。真不礙。野老墻低。書聲出屋。兒比王商能秀。水門繫艇。兩兩歡迎。開徑頻來社友。我欲從君。卜隣初念逡巡。甚時始就。但等閒荒了先廬。不願諸甥似舅。

百字令

壽張魯白

年年相見。認黃山一叟。雨襟風帽。梳掌摩挲雙髻改。髮短不勝簪導。病未拋詩。貧偏愛客。此品今來少。莎廳竹徑。自攜敝帚勤掃。不是不想田廬。夢歸路斷。恨終身難了。況乃迎門無稚子。執研星星又小。溪友留魚。園官送菜。只合他鄉老。舉觴相屬。期君同拾瑤草。

臺城路

九日同人小飲和朱日觀

萸烟藥市門開處。秋潮乍通村舍。竹葉灣東。菖蒲港北。好友特煩枉駕。微霜昨夜。正紅啓榴房。翠除瓜架。一笑相看。風前烏帽並時卸。年年索郎高會。多情懷酒伴。長在籬下。桂板催詩。柳圈被楔。總付漁樵閒。

話重尋舊社。笑如此江山。登臨多暇。後約蒼茫。菊枝聊滿把。

邁陂塘

送韜荒兄往白下時余方計楚游兼訂偕行之約

計郵籤、茗茗幾驛。長亭七十有五。杉青橋外揮盃別。一片繁笳疊鼓。投贈句。恨不滿、綠波碧草江郎賦。杏無重數。向紅板橋頭。青楊巷口。都是黯然處。應悵望、舊日杏花春雨。重來雙燕曾誤。莫愁艇子空城畔。潮落潮生如故。邀笛步。好借取、半帆風色先期赴。逡巡且住。待結束遊裝。明年相趁。共聽鷓鴣去。

八歸

送燕

曾棲幕上。暫依宇下。弱羽處處堪寄。翩然便欲辭巢去。似怕尋常巷陌。再到難記。還細踏簾鉤認取。又相對呢喃未已。徘徊意、應惜茆堂。此後整長閉。抵得江南一度。雪程風驛。草草詩人下第。春來且住。秋來且別。身世誰非旅邸。笑行藏未穩。與爾飄飄定何異。知明歲、花濃柳澹。社日前頭。主人歸也未。詩人下第。用章孝標賦歸燕事。少陵詩。請看處處巢君屋。何異飄飄託此身。

玉蝴蝶

雪

聽到五更風息。幢幢燈影。愁度長宵。曙色飛來。銀海翻動銀濤。鏡光融、拂花還起。研冰薄、呵氣旋消。任兒曹。團獅作戲。愛竹頻搖。蕭騷。荒村南北。數家煙火。迷了漁樵。野闊天低。絕無人跡過溪橋。草堂清、梅魂欲斷。江市遠、酒價應高。待招邀。晴邊蠟屐。踏破瓊瑤。

望湘人

寄季叔楚署

便鄉音無改。簿領垂衰。星霜兩地頻換。遠信難真。孤飛易倦。惱殺衡陽少鴈。僕射洲空。夫人城老。落帆幾片。自峨眉。冰雪崢嶸。眇到蜀江春暖。旅食舉家未免。只龍陽難辦。木奴千絹。問湖北湖南。米價新來貴賤。楚船青雀。吳船赤馬。一水籤程好算。得歸來。尚有田園。不愧詩家素產。

鳳池吟

上元村居

陰過新年。寒餘舊臘。時序取次侵凌。漸人家門巷。紫姑神降。閒卜豐登。柳又誇腰。東風拂檻。弱難勝。水村烟市。一番晴意。融盡殘冰。城中父老歸晚。說曉來微雨。不礙張燈。笑亂餘景物。昇平故事。小縣還仍。可惜溪橋。梅花無主。月空凝。黃昏淺。料玉龍哀怨難憑。

臨江仙

北山寓樓與宋梅知夜話

霜雪長途君勸矣。遠遊吾計忽忽。兩萍浮海偶相逢。茶烟禪榻。行復幾時同。漏轉城頭春夜永。小樓缺月疎桐。燈花何喜也能紅。亂鴉棲後。數盡北征鴻。

瑞鶴仙影

客舍咏燈花

一枝鮮潤。蘭膏裏。蠅頭紅蕊初著。戀他短檠。惜惜不動。爲誰的爍。蘆簾紙閣。聽不了。風鈴風鐸。問何如。高燒銀燭。竿柱輓絃索。方便煩憐取。欲剔還停。任教開落。不如儂意。只尋常。照人淹泊。遠信無憑。浪傳與。

屋頭雙鵲。趁沈沈、細雨春夜動春酌。

八歸

寒食塘西道中
與張介山別

梨粧欲試。杏泥未和。芳訊饒半落後。踏青共指長橋路。且喜討春舊伴。近鄰都有。籬落青旗書字大。笑村店家家誇酒好。趁取水泛茗西。天氣弄晴候。遙想會城此夕。花游一曲。多少行人回首。湖船猶冷。風前雨外。燕子未知歸否。漸南程催赴。勝賞幽期惜分手。知甚日、粥香餠白。散了新烟。重來看插柳。

減蘭

己未四月
別家作

父書盈簾。手澤猶新何忍讀。也要頻開。卷帙須防飽蠹來。阿奴碌碌。門戶全生難免俗。莫便如儂。氣沮妻孥八口中。仲弟

依依弱弟。歷齒垂髫憐叔季。孟去天涯。仲氏殷勤卽汝師。小時了了。滿望長成頭角好。玉樹庭階。添取

新陰待我回。三四兩弟

再三憐汝。蚤歲無娘今喪父。慚媿稱兄。忍聽閨中夜哭聲。練裳竹筥。量力行看他日事。此別經年。慰藉

飄零仗嫂賢。小

白邊相杵。我爲長貧還累汝。催上鳴機。又替征夫製夾衣。蹉跎生計。浪走風塵非本意。不爲封侯。怕被

人呼馬少游。內子

明年十二。典謁可能陪客位。嬾惰無端。失學從渠正可憐。文章何用。却望家風留句誦。勿更嬌癡。夜枕晨餐恃母慈。庚兒

多年隨我。戀主青猿情亦頗。臥犬籬根。也似痴頑免應門。閒中日課。掃地澆花無不可。留片蒼苔。莫被

羊牛踐踏來。老僕

臺城路。初有江漢之役。朱日觀。王子穎。桐村。祝豹臣。家西華叔。德尹弟。眉山姪。追送於朱與三表兄村莊席上賦別。

無端遙指西南路。驪歌棹歌難理。萬里瀟湘。何涓一夕。說甚才情綺麗。萍蹤如寄。望楚尾吳頭。浪花無際。屢改行期。多應依戀爲知己。銅盤燭黃初膩。乍杯闌氣熱。合座成醉。殘月流空。曉星當戶。一片離愁頓起。天涯情味。算只有清風。故人相似。遠信毋忘。時時煩附鯉。

木蘭花慢

端陽前二日。程禹聲。徐淮江。錢飲南。湖舟次。兼酬別俞右吉先生。

迤迤生浪態。明鏡裏。寫樓臺。正競渡中流。綵旗颭颭。畫鼓喧阗。離筵。恰逢此節。愛登梓鄉味近黃梅。白白王餘入饌。青青昌歎浮杯。碧苔。淺楮親裁。句好勝金釵。時欲邀妓不果。道擊楫舟中。彈箏車上。猶有人才。旁觀定應見哂。感先生勸我盡餘醅。京口且乘潮去。武昌曾爲魚來。

臨江仙

平望驛

兩岸菰蒲聞笑語。人家只隔輕烟。銀魚曉市上來鮮。一湖鶯脰。水雙橈燕梢船。屈指郵亭剛第一。眼中